

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski Načelnik

Broj: 09-23-27199/15
Sarajevo, 27.01.2016. godine

Na osnovu člana 70. stav 1. Zakona o javnim nabavkama ("Službeni glasnik", br. 39/14), te člana 14. stav 2. tačka 1. Pravilnika o nabavci roba, uvršenju usluga i ustupanju radova, br. 09-05-26263/15 od 27.11.2015. godine, u postupku javne nabavke "Vršenje usluge izrade idejnog projekta "Kongresni centar Sarajevo" (Pregovarački postupak bez objave obavještenja o nabavci), po preporuci Komisije za javne nabavke roba i usluga broj 09-23-27199/15 od 27.01.2016. godine, Općinski načelnik, donosi

ODLUKU

1. Prihvata se ponuda «I.D.E.A» d.o.o. Sarajevo, u predmetu javne nabavke - Vršenje usluge izrade idejnog projekta "Kongresni centar Sarajevo" (pregovarački postupak bez objave obavještenja o nabavci), u ukupnom iznosu od 234.000,00 KM sa PDV-om (slovima: dvijestotinetristočetirihiljade KM).
2. Zadužuje se Služba za finansije i zajedničke poslove da obavjesti učesnika u pregovaračkom postupku o donošenju Odluke o rezultatima okončanog postupka javne nabavke i da zaključi ugovor po konačnosti iste.
3. Protiv ove Odluke dozvoljena je žalba u roku od 10 dana od dana prijema iste, a koja odlaže izvršenje.

Obrazloženje

Odlukom o pokretanju postupka javne nabavke, donesene u skladu sa članom 18. stav 1) Zakona o javnim nabavkama ("Službeni glasnik BiH" broj 39/14) pokrenut je pregovarački postupak bez objavljivanja obavještenja o nabavci za Vršenje usluge izrade idejnog projekta "Kongresni centar Sarajevo", u skladu sa članom 23. tačka a) istog Zakona, te je upućen poziv firmi «I.D.E.A» d.o.o. Sarajevo, pobjedniku konkursa za izradu idejnog urbanističko-arhitektonskog rješenja „Kongresnog centra Sarajevo“ za učešće u pregovaračkom postupku i dostavu inicijalne ponude.

Uvidom u Izvještaj i preporuku Komisije broj 09-23-27199/15 od 27.01.2016. godine, utvrđeno je sljedeće: Služba za urbanizam, imovinsko-pravne, geodetske poslove i katastar nekretnina uputila je Zahtjev za pokretanje postupka javne nabavke za izradu idejnog projekta „Kongresni centar Sarajevo“, a u cilju nastavka aktivnosti na izradi Urbanističkog projekta „Kongresni centar Sarajevo“. Na osnovu zahtjeva za odobravanje javne nabavke od strane resorne službe broj 04-23-6499/13, od 20.11.2015. godine donesena je Odluka o pokretanju postupka javne nabavke broj 09-23-27199/15 od 03.12.2015. godine za Izradu idejnog projekta „Kongresni centar Sarajevo“, te je pokrenut pregovarački postupak.

Postupajući po zahtjevu nadležna služba je uputila poziv za učešće u pregovaračkom postupku i dostavljanju inicijalne ponude firme «I.D.E.A» d.o.o. Sarajevo, pobjedniku konkursa za izradu idejnog urbanističko-arhitektonskog rješenja. Dana 25.12.2015. godine u prostorijama Općine Novi Grad Sarajevo sa početkom u 14:00 sati izvršeno je otvaranje dostavljene inicijalne ponude firme «I.D.E.A» d.o.o. Sarajevo, te je konstatovano da cijena iste iznosi 234.000,00 KM sa PDV-om.

Komisija je izvršila pregovaranje o svim bitnim elementima ugovora, te je analizom dostavljene dokumentacije utvrdila da je ponuđač dostavio sve tražene dokumente kojima je dokazao ispunjavanje kvalifikacionih uslova iz pozivnog pisma.

Dana 26.01.2016. godine upućen je zahtjev firmi «I.D.E.A» d.o.o. Sarajevo da dostavi konačnu ponudu za vršenje gore navedenih usluga. Na osnovu poziva Komisije, firma «I.D.E.A» d.o.o. Sarajevo je dana 27.01.2016. godine, na protokol Općine Novi Grad Sarajevo, dostavila konačnu ponudu sa ponudenom cijenom u iznosu od 234.000,00 KM sa PDV-om.

Shodno članu 70. stav 1. Zakona o javnim nabavkama ("Službeni glasnik", br. 39/14) i člana 14. stav 2. tačka 1. Pravilnika o nabavci roba, vršenju usluga i ustupanju radova, br. 09-05-26263/15 od 27.11.2015. godine, donesena je Odluka o dodjeli ugovora kao u dispozitivu.

Pouka o pravnom lijeku:

Protiv ove Odluke dozvoljena je žalba Uredu za žalbe Sarajevo u roku od 10 dana po prijemu iste. Žalba se izjavljuje putem ovog organa u pisanoj formi direktno, elektronskim putem ili preporučenom pošiljkom u najmanje tri primjerka.

DOSTAVITI:

1. Služba za finansije i zajedničke poslove
2. U spis



Općinski načelnik
mr. Semir Efendić